

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Cap. IX. De Jejuniis Ecclesiasticis.

urn:nbn:de:hbz:466:1-38447

gustinus lib. de unitate Ecclesiae cap. 18. *Vis videri aliquid dicere dum tacere erubescit, & inanis loqui non erubescit.*

CAPUT VIII.

De Indulgentiis.

Docent Catholici dari in Ecclesia potestatem concedendi Indulgientiam, quae consistit in remissione penae temporalis debitis peccatis actualibus commis- sis post Baptismum, & remissis quoad culpam, extra Sacramentum facta, ex thesauro Ecclesiae satisfactionum restantium Christi & Sanctorum: idque tam quoad vi- vos, quam quoad defunctos qui in Purgatorio versan- tur.

Negant hanc potestatem passim haeretici moderni: illis in hoc errore praeiverunt aliis ab Ecclesia pridem damnati. Primo Waldenses, appellati pauperes de Lugo- duno, quorum oculus error fuit, indulgentias quae a summo Pontifice conceduntur nihil prouersus valere: secundò, Joannes Wiclefus cuius errores damnantur in Synodo Constantiensi §. 8. in articulo Wiclef. 42. afferente, Fatuum esse credere Indulgientia Papæ & Episcoporum: Cui Concilio generali interfuerunt supramille Patres, Anno 1415. 3. Hunc fecerit sunt Hus- sita apud Coelum de hist. Hussitarum. Hos majores habuit Martinus Lutherus qui ab Indulgientiarum oppugnatione secta sua principium fecit, ut pater in illius articulis à Leone X. & Trid. Damnatis. Postremò Joannes Calvinus Indulgientias copiosius oppugnavit in sua Institutione Christiana lib. 3. cap. 5.

Contra hos probatur doctrina Catholica primò, Quia supra de Purgatorio ostensum est manifestè, tam penam temporalem frequenter superesse post cul- pa remissionem.

Probatur 1. hanc penam temporalem per Ecclesia Indulgientias posse remitti, primo ex sacris litteris, 1. ad Colosenses, 1. ubi Apostolus dicit, Nunc gaudeo in passionibus meis pro vobis, & adimpleo ea qua defun- passionum Christi in carne mea, pro corpore ejus, quod est Ecclesia. Ubi pater etim esse passum pro fidelibus Ecclesiae: quod vero dicitur, que defun passionum Christi, non intelligitur, quod Christus plenè non satis- fecerit, & non sufficerit ad redēctionē humānē nature, sic enim falsum est, & haereticum, sed intelligitur, quod Christus, & Ecclesia sit una persona mystica, cuius caput est Christus, corpus vero est congregatio fidelium, quilibet vero justus est quasi membrum, ut habetur 1. Cor. 12. Deus vero suā prædestinatione constituit, quantum meritorum deberet esse in tota Ecclesia tam in capite, quam in membris; his vero verbis demon- strat Apostolus arumas Sanctorum excedentes peccata adjungendas passionibus Christi ad communem totius Ecclesiae utilitatem &c. Cum ergo de excessu penalitatum suarum sancti non sint remunerandi in seipsis, nec alteri cum applicaverint, sequitur, quod hu- jusmodi merita reposita sint in thesaurū Ecclesiae distri- buenda per Vicarium Christi, thesauri illius claves, sive potestatem habentem, ut dicitur in d. cap. unige- nitus.

Probatur tertio ex 1. ad Corinth. 2. ubi Apostolus dicit, cui vos donastis, & ego, nam quod donavi, ex persona Christi donavi; scilicet, penam per indul- gentias, per quas pena condonatur in persona Christi, id est, in potestate sibi à Christo relictā. Idem

probatur, ex locis quibus ostenditur potestas clavium, ut Matth. 16. Tibi dabo claves regni cœlorum, quodcumque ligaveris, &c. potest vero quis ligari, & quod culpam, & quod penam, ergo & absolvit. Et illud Joan. 20. Quorum remiseritis, &c. intelligitur etiam quod penam.

Probatur quarto eadem veritas ex Conciliis, & primò ex Ancirano, can. 2. ubi quibusdam Diaconis qui sacrificarunt idolis, revertentibus, conceditur relaxatio penæ, & can. 5. ubi conceditur facultas Episcopois indulgendi iis qui manducaverant sacrificia idolis, si refuerint: & in Concilio Niceno can. 2. idem Episcopis conceditur: & in Concil. Tribur. re- lato in c. cum ex eo de penit. & remiss. damnatur abusus quidam concedendi illegitimè indulgentias, & idem abusus damnatur in Conc. Romano, de penit. & remiss. in 6. & in Concil. Constantiensi, scilicet 8. in damnatis articulis Wiclefi, inter alios damnatus fuit hic, quod indulgentias negaverit.

Quintò, ex Patribus, idem confirmat Cyprianus serm. 5. de lapsi, ubi reprehendit sacerdotes, quod nimis sint indulgentias in remittenda penitentia, quod de indulgentiis indiscretis etiam potest intelligi: & aperte id probat D. Hieron. ut habeatur c. mensuram, de penitent. distinct. 1. & Tertul. lib. 2. ad uxorem hor- tatur illam post mortem suam ad statum viduitatis, & inter alia, ad frequentandas stationes, penitentia- factorias.

Frustra autem opponunt, quod per hanc indulgen- tiarum concessionem lēdatur divina justitia: nam quomodo illa lēdi potest, quando illi satisfit tam ex propria, quam ex aliena satisfactione ab Ecclesia illi summis oblati? Nec obstat etiam quod dicatur Luc. 17. Cum feceritis haec omnia, dicite servi ini- tiles sumus. Quia id tantum indicat merita & præmia bonorum operum non tam nobis, quam divinæ gratiæ & acceptationi deberi. Cum quo clare constituit ita opera bona esse simul satisfactoria, & expiatoria penæ temporales ex eadem Dei gratia & acceptatione, uti ex pluribus Scripturæ exemplis supra ostendimus. Et sic poterunt Sancti non solum pro se satis- facere quoad penas temporales, sed etiam pro aliis; constitudo inde thesaurum indulgentiarum, vel ut melius dicam, illum augendo jam per Christum con- stitutum, ut supra declaratum.

Plura de indulgentiis ac Jubileō resolvuntur infra Tom. II. Parte III. Tractatu III. cap. 6. & ultra.

CAPUT IX.

De Jejunis Ecclesiasticis.

Primo, docet Ecclesia Romana, certos jejunii dies ab Ecclesia constitutos sub præcepto observandos esse. E contra sustinent moderni Sectarii, Institu- tionem jejunii pro certis diebus esse penes Communitates singulas pro opportunitate temporis, & occasionis oc- currentis.

Secundò, docet Ecclesia Romana, meritoriam esse apud Deum abstinentiam à certis cibis diebus illis ab Ecclesia constitutis. Contendunt ex adverso moderni Sectarii, abstinentiam illam impiam esse, & Christia- na libertatem contrariam.

Tertio, doctrina est Ecclesiæ Romanae, per prædi- candum jejunium aut abstinentiam nos posse satis- facere divinæ justitiae pro penas temporalibus pec- catis

catis nostris debitis. Contra docent illi, hanc contra Christum gravem esse blasphemiam, ut inter Seclariorum recentiores dedit *Guilielmus Perkinsius de Jejunio Controv. 12. cap. 2. §. 2.* Horum singula quam evidenter falsa sunt contra Scripturas, & testimonia Patrum primitivæ Ecclesiæ, infrequentibus lucide expono.

Ac primò, de jejunio Quadragesimali doctrina Ecclesiæ Romanæ clarè probatur, *Exodi. cap. 34. vers. 28.* ex jejunio Moysis quadraginta diebus & noctibus in iphis Scripturis semper probato & laudato. 2. ex jejunio Elias. *Regum c. 19. v. 8.* qui jejunavit 40. diebus & noctibus donec perveniret usque ad montem Dei Horeb. 3. *Matthæi cap. 4. v. 2.* ex jejunio Christi 40. diebus pia faciat fuscet.

Opponunt Seclariorum jejunia hæc miraculosa fuisse, ac prouide veræ Ecclesiæ non imitanda. Fateor quidem miraculosa fuisse in quantum illi omni alimento abstinerunt. At Ecclesiæ pro suo modulo per certorum ciborum, & quantitatis abstinentiam non tantum licet, sed etiam piè suscepit, & postea dicto modo præcepta fuisse, ex testimonio Patrum primitivæ Ecclesiæ manifestè demonstratur.

I. Sub ipsum Ecclesiæ exordium anno Christi 80. Constitut. Apostolicarum lib. 5. cap. 12. aperte id testatur his verbis: *Post dies Epiphaniarum, servandum nobis est jejunium Quadragesima, quod vita Christi & legie late recordationem continet.*

II. S. Ignatius Martyr anno Christi 100. in Epistola sua ad Philippienes, *Quadragesimale, inquit, jejunium ne sternatis, continet enim exemplum conversationis dominica.*

III. S. Ambrosius anno 374. sermone 7. de eodem jejunio sic pronuntiat: *Hoc fecit causa salutis noſtre. ut rem utilem non solum doceret verbis, sed etiam exemplis insinueret. ut usdem vestigis quibus ad fidem currimus, ad abstinentiam graderemur.*

IV. S. Hieronymus anno 390. ut de hoc prolixo ratiophis effata præteream, sic rem breviter declarat lib. 2. aduersus Jovinianum cap. 11. *Ipse Dominus quadragesima diebus Christianorum jejunium sanctificavit.*

V. S. Augustinus anno 420. in quæstionibus super Genesim lib. 1. cap. 169. *Non frustra quadragesima dies jejuniorum sunt constituti, quibus Moyses, & Elias, & ipse Dominus jejunavit. Idem declarat pluribus in Psalm. 100. & Epist. 19. cap. 15. & Patres ceteri quos brevitatibus prætereo.*

Sed ne dicas, hac Patrum testimonia rigidum præceptum non importare, audi inter primos Ecclesiæ primitivæ Pontifices Clementem Romanum anno Christi 80. in Canone Apostol. 68. *Si quis Episcopus vel presbyter, vel Diaconus vel Lector, vel Cantor Sanctam Pascha Quadragesimam non jejunat, præterquam si propter imbecillitatem corporis impediatur deponatur; si laicus sit segregetur. Si quem eo adducit ventris ingluvies ut hæc nec audiat nec intelligat, De eo cum veteri paræmia dicendum: Venter aures non habet.*

Ex his fatis convincitur, quod possit Ecclesiæ pro omnibus fidelibus in communione alias etiam jejunii dies præcipere. Patet id magis in particulati tam in antiquo quam Novo testamento, Lib. 1. *Regum cap. 14. vers. 24.* Lib. 2. *Paralipon. cap. 20. vers. 3.* *Jeremie cap. 35. vers. 6. & 8.* Lib. 1. *Eldæ cap. 8. vers. 21.* *Estheris cap. 4. vers. 18.* *Actori. cap. 16. vers. 4.*

R. P. Arfdekk. Tom. I.

Testis hujus potestatis in ipso primo Ecclesiæ sculo est S. Ignatius Martyr, in Epistola sua ad Philippenes: *Post passionis Domini e hebdomadam jejunare quarta & sexta feria ne negligatis.*

Idque ab Ecclesiæ pro aliis etiam diebus statutum constat in secundo saeculo ex Decreto S. Urbani Pontificis anno 224. apud Gratianum Distinct. 76. *Statutus, ut jejunia quatuor temporum hoc ordine celebrentur: Primum initio Quadragesima, secundum in hebdomada Pentecostes, tertium vero in Septembri, quartum in Decembri more solito fiat.* Ubi etiam judicatur hoc præceptum ejusque observationem temporibus anterioribus in more positum fuisse.

Doctrinam verò modernorum Seclariorum huic contrariam, etiam tempore S. Augustini pro Hæresi agnita fuisse, patet ex ipsius libro de Hæresibus, hæreti 53. *Arianus ab Aerio quodam fuit, qui in Arianorum heresim lapsus, propria quoque dogmata fertur addidisse nonnulla, dicens, orare, vel offerre pro mortuis oblationem non oportere, nec statuta solenniter celebranda esse jejunia, sed cum quisque voluerit, jejunandum, ne videatur effensib[us] lege.* Ab aliis Patrum ac Conciliorum in hac rem testimoniis abstineo, ne sim prolixus: paucatantum argumenta qua apud Adversarios præcipui ponderis sunt breviter dissolvo.

Objiciunt igitur primò, Ecclesiæ nullum potest impone præceptum quod obligat sub peccato, quod probant ex Matthæi cap. 15. Frustra colunt me doctores doctrinas & mandata hominum. Atqui jejunia & abstinentia Ecclesiæ Romanæ sunt tantum mandata hominum. Ergo illa non obligant sub peccato.

Respondeo, negando majorem, ad probationem dico, tantum ibi damnari mandata hominum quæ sunt contraria legi divinae, ut ex contextu patet, præceptum autem jejunii non repugnat legi divinae, cum jejunium non sit res mala, & ipsa lex divina præscribat obtemperandum esse legitimo superiori rem non malam præcipienti. Unde ridiculè Adversarii, dum urgent servandum præceptum divinum, non obediendo mandatis hominum, volunt ipsum præceptum divinum contemni, quod mandat obedire præceptus superiorum, ut habet Apof.

Obedite Præpositis vestris,
Et passim in Scripturis.

Objiciunt secundò Dicit Christus Matthæi cap. 19. *Quod intrat per os non coquinat hominem.* Ergo abstinentia à carnis &c. non potest præcipi sub reatu peccati mortalis.

Respondeo, Quod intitat in os, per se quidem non coquinat hominem, sed coquinat hominem inobedientiam illius hominis qui facit cibum vetitum per os tuum intrare: Alias ne quidem peccasset Adam comedendo fructum vetitum, qui sanè per os intravit. Neque in novo Testamento peccassent Fideles comedendo sanguinem & suffocata quando erant ab Apostolis prohibita in Act. Apostolorum cap. 15. Ridiculos autem reddit Adversarios, quod Christus hic respondeat Pharisæis, qui superstitionis, & supremum urgente rigorem, volebant illius Discipulos coquinari, quod manibus illotis manducarent. Quid hoc facit ad solidum & expressum Ecclesiæ præceptum ex Scripturis & Patribus supra demonstratum.

Objiciunt tertio, Ex Apostolo 1. ad Corinth. cap. 10. v. 25. Omne quod in macello venit, manducate, nihil interrogantes propter conscientiam... si quis vocat infidelum & vultis ire, omne quod vobis apponitur manducate, nihil interrogantes propter conscientiam. Si quis autem dixerit, hoc immolatum est idolis: nolite manducare, propter illum qui iudicavit, & propter conscientiam, conscientiam autem dico non tuam, sed alterius.

Respondeo breviter, interrogando, quid ibi dicat Apostolus, nisi ut quae tunc prohibita non erant libere manducarentur, quales erant carnes in macello veniales, aut indiscriminatae apposita, & qua prohibita erant non manducarentur, quales erant carnes propositae tanquam idolis prius immolatae, & quasi in ilorum honore sumenda. Quid queso facit hoc pro manducandis sine peccato carnis aut cibis postea pro certis diebus ab Ecclesia absolute prohibitis? Si tunc potuerint ritè ab Ecclesia prohiberi carnes apposita tanquam idolis immolatae, & Alter. cap. 26. § 25. usus sanguinis & suffocati, cur jam ab eadem Ecclesia non possint certis diebus carnes aut cibi ali interdic? Quinimò ex hac prohibitione carnium idolis oblatarū mhi nostri carnis & ventris patroni suo potius argumento seipso jugulant. Sed manuit illi in situ Aegypto super ollas carnium federe, quam ad terram promissionis per abstinentiam proficiepsi.

CAPUT X.

De Peccato originali, mortali, & veniali.

Dicit Lutherus & Calvinus, peccatum Originalē, quod ab Adamo contraximus consistere in Concupiscentia, sive inclinatione ad malum concupiscentium, quod Theologi vocant concupiscentiam in actu primo. Negarunt hoc omni tempore Catholicī.

Probatur manifestè ex Ratione, & Scriptura. Quia, quidquid habet rationem peccati, id per Baptismum tollitur, ut agnoscent omnes qui Baptismum admittunt. Atqui Concupiscentia illa per Baptismum non tollitur. Ergo peccatum originale in concupiscentia illa non consistit. Minor aperte probatur, tam ex perpetua experientia, qua etiam baptizati sentiunt inclinationem ad malum concupiscentium, quam ex testimonio Apostoli ad Rom. 7. v. 23. *Video aliam legem in membris meis, repugnarem legi mente mea.* Ex qua lege proveniunt motus concupiscentiae ad malum appetendum, ut idem testatur ad Galat. 5. v. 17. *Caro concupiscit adversus spiritum, & spiritus adversus carnem.* Unde manifestum est in Apostolo, adeòque in Baptizatis & Sanctis concupiscentiam illam remanere, in quibus tamen non permaneat peccatum originale.

Objiciunt Adversarii primò, Apostolus concupiscentiam dicit esse peccatum ad Rom. 6. v. 12. *Non regnet peccatum in corpore vestro mortali.* Secundò, Quod non est à Deo peccatum est: sed concupiscentia non est à Deo: ergo concupiscentia peccatum est. Minorem probant ex illo 1. Joannis 2. v. 16. *Omne quod est in mundo concupiscentia carnis est... quia non est ex Patre.* Tertiò, Christus assumptus omnes hominis miseras, excepto peccato: atqui non assumptus ha-

minis concupiscentiam: ergo concupiscentia est peccatum.

Respondeo ad primum, Apostolum non monere ut *peccatum*, sive concupiscentia nullo modo sit in corpore nostro mortali, sed ut non *regnet*, scilicet perliberum voluntatis consensum, ut etiam SS. Patres explicitant.

Ad secundum, distinguenda est minor. Concupiscentia nostra non est à Deo illam primù volente & creante in Adamo, concedo: non est à Deo illam postea permittente in penam peccati originalis, nego: & hoc sensu recte dicit Scriptura illam non esse ex Patre: unde non sequitur concupiscentiam esse ipsum peccatum originale, sed tantum penam peccati originalis quod presupponit.

Ad tertium, falsa est major: quia Christus non assumpsit ignorantiam, febres, aut alios morbos, non enim proderant hæc ad generis humani redempcionem. Unde quando de Christo dicitur ad Hebr. 2. vers. 17. *Debuit per omnia fratribus assimilari, claram est illud non intelligi de omnibus miseriis humanis à peccato distinctis*, ergo nec de concupiscentiis est in illa peccatum originale non consistat.

Peccatum igitur originale in sensu Catholico situm est in ipso peccato Adami in posteris transfuso, sive in privatione iustitiae originalis à posteris participanda nisi primi parentis peccatum obstitisset, utic cum aliis explicat. D. Thomas in 2. 2. queſt. 82. art. 3.

De peccato Mortali ac Veniali contra Catholicos docuit Gommarus, ac Pelagius, & post illos Lutherus ac Calvinus, Peccata omnia ex natura sua esse mortalia, & mereri penam aeternam: & tantum quedam esse venialia hoc solum sensu quod ea justis non imputentur. Ac Lutherani quidem affirmant, infidelium peccata omnia esse mortalia, & à Deo imputari, fidelium vero omnia peccata esse venialia, sive à Deo illis non imputari, excepto peccato infidelitatis, cum consequenter doceant per solam fidem hominem constitui iustum. Calvinistæ vero mordicus tenent omnia peccata quorumvis reproborum esse mortalia, & prædestinatarum peccata omnia esse venialia, sive ad damnationem non imputari.

Probatur contra hos doctrina Catholica. Quia dantur aliqua peccata quæ neque per se mortem animæ adserunt, neque penam aeternam digna censerunt: ergo dantur aliqua peccata quæ per se sunt merita venialia in quovis hominum genere. Probatur antecedens, Quia mors animæ consistit in privatione gratiæ: atqui sunt aliqua peccata quæ non privant animam gratiæ, aut ream constituent penam aeternam, ut patet ex illo Proverb. 24. v. 16. *Septies in die cadit iustitia: 8 clarius ex illo Jacobi 3. v. 2. In multis offendimus omnes: ac denique clarissime ex Evangelio Matthæi cap. 5. v. 22. Qui irascitur fratri suo reus erit iudicio: qui autem dixerit fratri suo Racha, reus erit Concilio: qui autem dixerit Patre, reus erit gehenna ignis.* Ubi aperte distinguitur triplex peccatum iracundia, quorum tantum tertium constituit reum ignis aeterni: unde manifestum evadit alia quæ sic reum non constituant esse tantum venialia.

Objiciunt primò illud Ezechielis 18. vers. 4. *Anima quæ ipsa peccaverit morietur.* Ubi ad mortem animæ nulla statuitur distinctio peccati mortalis & venialis.